

M. sec. 650 n. 28

# SPIRITVS PRINCIPALIS ORATIO

DE DIVINI SPIRITVS ADVENTV

AD SS. D. N.

CLEMENTEM X.  
PONT. MAX.

Habita in Sacello Pontificum Quirinali.

ACAROLO AVGVSTINO FABRONO PISTORIENSI  
SEMINARII ROM. CONV.



ROMAE, Typis Ignatij de Lazaris. M. DC. LXXI.  
*Superiorum Permissu.*

REPTILES AND AMPHIBIANS

FOR LISTS

OF THE REPTILES AND AMPHIBIANS

OF THE STATE

OF NEW YORK

FOR THE YEAR

1880

BY THE

COMMISSIONER OF THE LAND OFFICE

ALBANY

1880

PRINTED BY THE COMMISSIONER OF THE LAND OFFICE

ALBANY

1880

BY THE COMMISSIONER OF THE LAND OFFICE

ALBANY

1880

BY THE COMMISSIONER OF THE LAND OFFICE

ALBANY

1880



# CLEMENTI DECIMO

PONT. MAX

CAROLVS AVGVSTINVS FABRONVS

FELICIT.



Rationem de Diuini Spiritus aduentu à me in Quirinali Pontificum Sacello coram Sanctitate Tua habitam Tibi Beatissime Pater, vt sisterem, diuinus ille, qui Tibi assistit Spiritus eo mihi potissimum nomine persuasit, quòd in Cælo videri poterit collocata, quando inter gen-

tilitia Tua Sidera recepta spectabitur ; &  
 multò adhuc poterit apparere diuinior,  
 cum illam Tuæ Tu pietatis, quæ Deum  
 planè spirat, clementissimo aspectu di-  
 gnaberis. Hanc porrò vt in hunc modum  
 excipias, & aspicias, cum reuerentissimo  
 sanctissimorum tuorum Pedum osculo  
 humillimè Sanctitatem Tuam exobsecro :  
 Deumque simul oro, vt Tuæ felicitati,  
 incolumitæque mortalium diù Te seruet  
 incolumem, ac felicem,

*[Faint, mostly illegible text, likely bleed-through from the reverse side of the page.]*



# SPIRITVS PRINCIPALIS ORATIO

## DE DIVINI SPIRITVS ADVENTV:



**D**ELAPSVS in terras hodie de  
Cælo Spiritus Beatissime Pater  
Spiritus ille principalis est, quo  
confirmari à Deo se Psaltes Re-  
gius deposcebat. Et verò con-  
firmavit Apostolos; quos enim  
antea imbecilles, ac timidos  
vnus militum aspectus in fugam indecorè coniece-  
rat; vna interrogantis ancillæ vox ad periuria de-  
testanda compulerat; vnus ab Iudæis metus in la-  
tebras secreti, obseratique conclauis incluserat,  
eos hic Spiritus excitauit, impulit, ac produxit in  
publicum; ijsque ad diuinæ fidei veritatem animo-  
sè, ac fortiter euulgandam os dedit, & sapien-  
tiam, cui resistere ipsorum aduersarij non vale-  
rent: sic vt vna vnus Petri concione, ab ipso sta-  
tim accepto Spiritu ad tria hominum millia à su-  
perstitione atque perfidia, ab erroribus, ac perti-  
nacia, ad salutis, vitæque signa transferint. Con-  
firmavit inquam Apostolos principalis hic Spiritus,  
quos in coronæ speciem ignearum immisso lingua-  
rum Principes inaugurauit Ecclesiæ; ex ipso statim  
vultu, ac sermone noscendos, quando pari animi  
vultusque constantiâ, & ardore, vna dumtaxat Dei

Psal. 50. 14.

Math. 26. 56.

Math. 26. 69.

10a. 20. 19.

Act. 2. 14.

Luc. 21. 15.

Act. 2. 41.

Act. 2. 4.

ma-

A. 3. 2. 4.

2. 1. 7. 12.

Luc. 12. 24.

1. Cor. 1. 3.

4. Cor. 1. 13.

1. Cor. 1. 19.

Act. 1. 4.

magnalia loquerentur, qui antea vix aliud animo, & ore versabant, quàm quæ magna sunt hominum. Abstulit enim ab ijs spiritum Principum principalis hic Spiritus; spiritum inquam insanem, ac tumidum Principum prophanorum, quo Apostoli aliquando ducti scilicet, ac seducti altercari inter sese, ac querere inili contentione coeperunt, Quis eorum videretur esse maior. Bracteas has honorum creperas, ampullas hæc vacuas titulorum ex ipsorum animis expulit illico diuinus hic Spiritus, penitusque difflauit in ventum: aliasque ipsorum mentibus cogitationes, alia ipsorum cordibus vota submisit; vt nihil iam scire se, nihil velle aliud profiterentur, nisi Christum, & hunc Crucifixum: quem etiam ea vi, ac victoria prædicarent, vt hoc ipso, quod Iudæis quidem scandalum, Gentibus verò stultitia erat, & Iudæorum fucatam pietatem confunderent, & falsam fallentemque Gentium sapientiam reprobarent. Quis hæc porro neget Dei esse magnalia? Quis hunc, qui sic dabat Apostolis eloqui, principalem Spiritum non appellet? Ambitionis, & pompæ mala gramina Spiritus hic à cordibus Apostolorum auulsit? Parum hoc est: amorem ijs iniecit paupertatis, contemptum, & poenarum: sic vt à conspectu Concilij eo nomine gaudentes abirent, quod digni erant, qui pro Christi causa deformia quæque, & acerbissima degerant. Amplius: hæc sua ipsi vota, immò & gaudia, suo exemplo ab se transmittiebant in alios, quando commutatis vicibus amoris, & odij, amplexus, & fugæ, spectata quidem, & blanda fugere, & odisse, despecta, & aspera amare, & amplecti, non paucos

solum, gregariosque mortales, sed agminatim, & confertè doctos etiam, & locupletes, nobiles, ac potentes, Dynastas, ac Principes, Reges, ac Cæsares cum suasionè feliciter, ac persuasione docebant.

De suo Spiritu super omnem carnem effusurum sese Deus aliquando promiserat; tunc verò fore ut hominum filij, & filia prophetarent; somnia somniant senes; viderent iuvenes visiones. At hoc principali Spiritu tam largè supra mortales effusus multò Deus præstitit, quàm promisit. Plus enim est, quam de futuris, arcanisque vaticinari, præsentia bona, illecebras, honores, opes, pro conscientia arcana virtutis, & futuræ spe gloriæ aspernari: plus est, quàm somniari somnia, vana, Mundi spectra larvasque animo non dormitante, despiciere; plus quàm visiones videre, oculis desiderantibus Christum nihil dignari aliud in terris aspicere. Ea certè Spiritus huius super omnem carnem effusi vis fuit, ut carnem ipsam in spiritum planè conuerterit, quando Mundi spiritus antea ipsum propè spiritum vertebat in carnem. Quid enim Christo sanctius? Et hunc tamen auferri ab oculis Apostolorum oportuit, ut diuinus hic Paraclytus ipsorum cordibus inferretur. Quamobrem verò? quia nimirum ipsum Christi Spiritum ad quemdam carnis amorem referebant Apostoli. Sed vmbra dumtaxat erant illi tunc Apostolorum. Suum Deus emisit Spiritum, & Apostoli creati sunt verè; eorumque deinde opera reparator Deus rugosam terræ lenio iam confectæ defectæque faciem renouauit. Miratus olim est, & nunc miratur Orbis terrarum, tan-

Isai. 44. 3.

102:1 6. 7.

Psalm. 103. 30.

142  
Psalm. 116.

tantum per homunculos rudes, pauperes, neglectos, & retibus, hamoque tantum assuetos tentari, moueri, excitari, ac perfici potuisse. Verum numquid ingenitè ipsis naturæ vi tam noua, tam mira Apostoli præstiterè? Immò verò, quemadmodum Psaltes ante prædixerat, Spiritu oris eius omnis virtus eorum. Os verò, & Verbum Patris Christus est; & à Christi Spiritu, quo repleti hodie fuerunt Apostoli, virtus omnis, & omne ipsis robur accessit. Quantum porro est ex tam parua Apostolicæ prædicationis semine tantam in Ecclesia veræ virtutis, ac sanctitatis messem extitisse ab ipso statim initio, inque dies semper existere? Quantum ex hominum cœtu tam humili tam despecto, lectissimum hunc Christianæ Reip: florem, verendum hoc sacrarum Infularum decus, hunc Romanæ Purpuræ splendorem augustum, hanc Vaticanæ Sedis Maiestatem si minus diuinam, at plus certè quàm humanam, Deoque proximam deriuari? Spiritu oris Christi perfectæ nempè sunt hæc: quæ magna profectò & mira sunt, sed maiora adhuc illa & admiranda sunt magis; quòd in quorum ipse corda prorsus illabitur, ij certè honorum licet præstantium, summorumque insignibus in oculis aliorum effulgeant, siquidem è Cruce Dominica effundi eos intelligunt, vnam ipsam Crucem & omni pompæ gloriæque euanescenti, fluxæque anteferunt, & intimis amoris animique vlnis arctissimè complectuntur. Ita Deus salutaris sui veram nobis reddidit, solidamque lætitiā, quando, diuini huius Amoris munere Apostolis impertito, Ecclesiam suam omnem principali verè Spiritu confirmauit.

Psalm. 50. 14.